

آبونه شرائطی نه هر
ایچون سنه لکی (۲۷۵)
آلتی آیلانی (۱۵۰)

نسخه سی ۵ عمره سدر .
ایکی نسخه رآزاده
(۱۰) غروشدر
سنه لکی ۵۲ نخه سدر

اداره خانه : باب عالی جاده سنده
رشید افندی خانه

اخطرات
آبونه بدلی پشیندر .

مسئله موافق آثار مع المنونیه
قبول اولتور . درج ایدله
یازیلر اعاده اولتور .

الشیخ الاسلام

سر ۱۳۳۰

آدرس تبدیلینده آریجه
۵ غروش کوندرملیدر .

مکتوبلرک امضاری واضح
واوقوناقلی اولسی و آبونه
صره نومروسی محتوی
بولونمسی لازمدر

ممالک اجنبیه ایچون آبونه
اولانلرک آدرس لری
فرانسه یازلسی رجا اولتور .

پاره کوندرلدیکی زمان نهیه
دائر اولدیغی ییلدرلی
رجا اولتور

اتبعون اهدکم سبیل الرشاد

صاحب و مدیر
اشرف ادیب

باش محرر
محمد عاکف

والله یهدی من یشاء الی صراط مستقیم

جلد ۲۹

۲۴ مایس ۱۳۳۹

* بحشبه *

۸ شوال ۱۳۴۱

عدد ۵۳۱-۵۳۰

فواحش و منکراتی ارتکاب ایلمک ، انسانلره قارشی بی و تجاوزده
بولونمق ، حق تعالیه شریک قوشمق ، بت پرستلرک خرافاتنه میدان
ویرمک ، تقلید و یا اجتهاد ایله رؤسانک تحکمی ایچون حق تعالیانک
کوندردمکی احکام ایله ملتی تضیق ایتمکدر .

عزیز و مسعود هر هانکی ملت بو اولدیغی ضلالتلره صابار و بو
فسادلری ارتکاب ایدرسه عزت و سعادت و حالده الدن کیدر ، جناب
حق اونی ملکندن ایدمک ، ذلته دوشورده کج اولانلری اوزرینه
مسلط ایدر . موسویلرک ، رومالیرک ، ایرانیلرک ، عربلرک و عثمانلیلرک
و باشقهلرینک تاریخی کوزمیزک اوکندمدر . کیمیسنک ملکی تمامیه زائل
اولدی . کیمیسنک برقمی الدن کیتدی . عقلی باشنه طوپلامازسه الله
قالانده کیده جنت .

ملت لک بو نوع اجلی سنه لر و کونلره تحدید اولونمازسه ده علم
الهیده ساعتلره محدوددر . لسانده ساعت زمانک الک کوچوک مدتیدر .
بنام علیه آیت کریمه نک مآلجه برملتک اجلی کلیدی جزاسی نه بر لحظه
تأخر نه ده بر لحظه تقدم ایدر . اسباب هلاک صاریلان برملت هلاکی
ایسته مش اولورکه اونکده بو طلبه اجابت ایدمک محققدر .

بو کونکی اوروپانک اسباب هلاک اولارق تعداد ایتدی کمز رذائله
باطمش اولدیجی حالده کیتدی کجه کسب قوت و عظمت ایتدیجی و بوکا
مقابل مغلوب ملت لک ، بالخاصه اسیر اولانلرک آرتیق اوروپانک مدنیت
مادیه سنی ، هر قیددن آزاده حریت فسق و فجورینی آلمقدن باشقه
برچاره اولمادیغی سویلکاری مقام اعتراضده درمیان اولونابیلیر . بوکا
جواباً دیرزکه :

بسم الله الرحمن الرحیم [۰]

وَلِكُلِّ أُمَّةٍ أَجَلٌ ، فَإِذَا جَاءَ أَجْلُهُمْ لَا يَسْتَأْخِرُونَ
سَاعَةً وَلَا يَسْتَقْدِمُونَ .

مال منینی

هرملتک بر اجهلی وارددر ؛ اجهلی کلیمه نه بر لحظه ایدر ، نه ده
بر لحظه کری قالیرلر .

هرملتک بر اجلی ، بر مدت حیاتی وارددر . اجل ایکی نوعدر .
اولملت لک اجلی که جناب حق اولنری هدایتیه دعوت ایدمک پیغمبرلر
کوندردر ، بودعوتی رد ایدرلر ، انکارده عناد ایدرلر ، هلاک اولاجق لری
اخطار ایدن آیاته اینانمازلر ، هلاک اولورلر . قوم نوح ، قوم عاد ،
قوم ثمود ، قوم فرعون و اخوان لوط بو صورته هلاک اولمشلردر .
بونوع هلاک دعوت خصوصیه ایله کوندریلن پیغمبرلرک اقوامنه مخصوص
ایدی . دعوت عمومیه ایله کوندریلن (وما ارسناک الارحمة للعالمین)
خطابنه مظهر اولان خاتم الانبیا اقدمیزک بعثتیه ختام بولدی .

ایکنجی نوع اجل ، عزیز و مستقل یاشایان ملت لک زوال و اضمحلال
ایله ختام بولمازسه ده مذلت و امارت ایله ختام بولان حیاتیدر . بونوع
اجل ، اجتماع بشرییه و عمران عالمه عائد سنن الهیهیه مربوطدر .
موضوع بحث اولان آیت کریمه نک ماقبل اولان آیتلر بونی ایضاج
ایتمشد ؛ که بولرک خلاصه سی زینتده ، طیباتدن استفادده اسراف ایتمک ،
[۰] مصدره چیقان (المنار) دن خلاصه و بعض علاوه لرله نقل اولونمشدر .

فسق و فسادك ملتز اوزرنده تأثیراتی ، افراد اوزرنده کی تأثیراته مشابه در . مثلاً اطباءك كافه سی ایچکینك مضرو امراض بدنیہ وعقلیہ به سبب اولدینی بیان و اثبات اتم کده متفقدر لر . فقط ایچکینك قوتلی بر بنیه اوزرنده کی تأثیری ایله ضعیف بر بنیه اوزرنده کی تأثیری رد کدر . ایچکینك مبذولا قوللا ثلثاسیله آقولا لائلمی آره سنده فرق واردر . صوکره ایچکیلر ده مضرت اعتباریله یکدیگرندن فرقلی در لر . اطباءی اجتماع ده فسق و فجور ده اسرافك ملتزلی افساد ایده جگنی ، ظلم و بغيك ، احتراصاتك ، رقابت استعماریه نك اسباب هلاکدن اولدینی بیان اتمکده در . فقط اوروپا دولتلیرنك ، بواجتماعی خسته لفلرك سرعت تأثیرینه ، اعراض بدنیہ به قارشی قوللائیلان علاجلر و تدابیر واقیه کبی ، مقاومت ایده جك قوای مادیه و معنویه سی مبذولدر . بونلرك الك مهمی نظام ایله ظلمده بیله سنن اجتماعیه به رعایت ، ظلمه عدالت کسوه سی کییدر ده جك وسائل واسبابی ایلر یله تمك ، باطلی عین حق کو سترمك ، فسادی صلاح شککنده ابراز اتمك ، ظلمه دوچار اولانلر میاننده دخی کندیلرینه یاردجی بولمق ، حتی بر جوقلری یعنی حاکمیت اجنبیه نك حاکمیت ملیه به مرجع اولدینغه اقناع اتمك کبی شیلدر . مصر شاعری حافظ ابراهیم اولجه مصرده وقوع بولان ظلم ایله اجنبیلرك ظلمی آره سنده کی فرقی بو بیتیه بك کوزل افاده ایتشدر :

لقد کان هذا لظلم فوضى فهدبت
حواشیه حق صار ظلماً منظماً

معنای : بو ظلم اولجه آنارشی حالده ایدی . کله سی قولاغی دوزله لرك نهایت منتظم بر ظلم اولدی .

برکره استاد امام شیخ (محمد عبده) به صورتی : - نیچون بو فرنگلرك شئون دینیہ و سیاسیہ لرند کی باطله حقلک ضربه سی ایتمه یورده پایدار اولویور ؟

مفتی مرحوم بوکا جواباً : بونلرك باطلی نظامه تابع اولدینی ایچون یاشایور . اونك کبی بر نظامه ، یا خود ده ای بر نظامه تابع اولان حقدركه اوباطلی ازاله ایده بیلیر ! ، دیشدی .

مع مافیہ بونلرك بو حالی انتقام الهی به مانع دکدر . بو وضعیت تأخیر اجل ایله تأخر عذابك بر مثالدر . یوقسه عذابك اسباب منعندن دکدر . چونکه عذابك منع وقوعی حق وعدالت ، اعتداله ، صلح و صلاحه رجوع ایله ممکندر . آوروبانك حکما و علمای ده بوکا واقفدر .

آوروپا حکما و علمای بو حقیقته وقف ایسه لر نیچون آوروپا ملتینه حقیقی اخطار ایله بونلری طریق هلاکدن چورده میورلر ؟ بوکا جواباً دیرزکه : بو خصوصده بزم حالمز اونلرك حالندن ده غریبدر . حق تعالی بزه کتاب مییننده دنیامزه و آخرتمزه متعلق هر خصوصی بیلدیردیکی و کتاب اللہك قلوب مؤمنین اوزرنده کی تأثیری علمای مادیوندن هر هانکیسنك سوزیله قابل قیاس اولمادینی حالده اوامر الهیه بی ناصیل دیکله میورسه ق اونلر ده اوایله دیکله میورلر ، دیکله سه لر بیله ، آکلامیورلر . حیات فردیه ده نیجه نیجه دو قورلر کورولورکه مسکراتك تأثیراتی ، تخریباتی یقیناً بیلدکلری حالده ینه ایچرلر ! حیات عمومیه ده عینی حال کورولور .

بز قرآن کریممك و دین میینمك تعلیم و هدایتی سایه سنده عزیز وقوی ، مستقل و متحد بر امت ایدك . بر طاقم احتراصات پشند قوشارق پارچه لانه رق ضعیف اولدق . زمان بعض مسلمان ملتله یاردم ایتدی ، بونلر ده اعتلا ایتدی ، کسب قوت ایتدی ، صوکره ینه ضعیف دوشدی ، آره مزده بزه آیات الهیه بی خاطر لاتان ، بزی حیسانه دعوت ایدنلر اولدی . امرامز ، علمامز ، خلقمز دیکله مدی ؛ بوالنتیجه اقوام اسلامیه نك یوزده طقسان طقوزی اسیر اولدی .

انتباه اسلامك حقیقی صفحه سنه کیرن مسلمانلرك بوندن صوکره قرآن کریممك کو ستردیکی راه حق و نجاتده یوروپه رك ودائماً تعالیم قرآنیه بی رهبر اتخاذا ایدرک حیات اسلامیه بی اولومدن ، ذلتدن . اسارتدن قورتارمنه حصر مساعی ایتهلری بکله نیر ! یوقسه آوروبانك طریقته کیرمك بو ملتلك سریع آدیملرله کیتدکلری هدف انتقام و عذاب الهی به کیتمکدن باسقه رشی دکدر .

مسلمانلق فکر و حیاته نه لر بخش ایتدی ؟

محرری : شیخ عبدالعزیز مبارک

اقوام اسلامیه اون بشنچی عصر میلادینك صوکلرندن اعتباراً اولکی عصر لرده کی حیات اسلامی به منافی یکی بر شکله میدانه چیقمشدرکه بونك سببی اوروپا دولتلری اسلامه مقاومت و وسائل ممکنه ایله اسلام علیهنده مجادله اساسنه مبتنی بر پروگرام قبول ایتشلردی . اوزماندن اعتباراً اندلس مسلمانلرینك یاسی شدتلمش ، انکیزسیون

اون طقوزنجی عصرک مبادیسندن اعتباراً اوروپا سیاحلری و محررلری دین اسلامی تدقیقه ، اونك صفات کاشفه سی آرامنه باشلا مشلدر . اوروپالی سیاح و محررلرك بوتدقیقاتی اسلام عالمنده آنارشینك حکمران اوله رق اسلام وحدتی تارمار ، مسلمانلرك اجدادندن وارث اولدقلری مدنیت صحیحه بی تخریب ایتدیکی دوره مصادفدر . معلوم اولدینی اوزره